

**Apequteqaat aallaavigalugu oqallinnissamik siunnersuut: Boligstøtte aqutigalugu illuutillit Inissialiornermut tapersiissuteqartarnek pillugu peqqussutaani kapitali 4 naapertorlugu illusinikut illuutaannut pituttorlugit najugaqartussaanerak qanoq iliorluta qasukarsinnaavarput**

(Inatsisartuni ilaasortaq Anders Olsen, Siumut)

**Akissuteqaat**

(Ineqarnermut, Sanaartornermut Attaveqaqatigiinnermullu Naalackersuisoq)

Inatsisartuni ilaasortaq Anders Olsen, Siumut, apeqqummik soqutiginaatilerujussuarmik, inersuarmi matumani oqallisigineqartussat pingaarutilimmik saqqummiussivoq; Namminer-sorlutik Oqartussat inissialiornermut taarsigassarsititsigaangata, illuutilinnut piumasaqaativut qanoq annertutigisassappat?

Pisortat inissianut aningaasarpassuarnik taarsigassarsititsigaangata, illup sillimmataasup sillimmasersimanissaa, illup aserfallatsaaliugaanissaa naggataagullu aamma taarsigassarsisup illumi najugaqarnissaa pisortanit piumasarineqartarnera maannamut eqqarsaataasarpoq.

Sumiiffimmi allat inissiamik amigaateqaraluartut, aammalu assersuutigalugu sanaqataafiusumik illuliornissamik qinnuteqaraluartut illup inoqarani aserfallakkiartunnginnissaanik pisortat qulakkeererusunnerat najugaqartussaataitaneranut tunngavigineqarpoq. Tamanna pinngippat naggataagut sumiiffimmi inissiat inissianit pisariaqartinneqartunit amerlaneruler-tussaapput.

Najugaqartussaataitanissamut piumasaqaat aamma piginneqatigiilluni inissiaatit pillugit peqqussummi aamma inissianik attartortitsisarneq pillugu peqqussummi ilaatinneqarpoq. Kisiannili inissiamit nuunneq soorlu ilinniarnermik peqquteqarpat, inissiaq najugaq attartortinneqarsinnaavoq imaluunniit attartugaq attartorteqqinneqarsinnaalluni.

A/S Inissiaatileqatigiiffik INI, boligstøttemik aaqjissuussinermik aqutsisuusoq ilisimatitsivoq, illuutillit inissiat najukkatik qimakkaangatigit illut ajornartorsiutinngortartut. Illumik piginnittoq nalunaaqaarani illumik qimatsisimanera pissutigalugu illu inoqanngikkaangat, INI sanilinit allanilluunniit, illunik inoqanngitsunik piserusuttunit saaffigineqartarpoq. INI ilisimatitsivoq, maannarpiaq nuna tamakkerlugu inissiat 160-it nalunaarsorneqarsimasut, boligstøtte aqutigalugu illuutillip illumik qimatsisimaneranik peqquteqartumik inoqanngitsut. Sanaartornermut atortussanut 1,2 mio. koruuninik taarsigassarsititsisoqarsimappat, ukiualunnguanilu akilersuisoqareernerani taarsigassarsiat affaanut appartinneqarsimappata (illumut ataatsimut 0,6 mio. koruunit), illuliornermut taarsigassarsiarititanit 100 mio. koruuningajaat atorneratik uninngaannassapput. Allaniq illumik najugaqarfissatut tiguserusuttoqartillugu, illup inoqarani aserfallakkiartortarnera ajornartorsiutaavoq.

Tassalu najugaqartussaataitaneq pillugu apeqquq imaaliallaannaq akineqarsinnaanngilaq.

Inissialiornermut tapiissuteqartarnek pillugu Inatsisartut peqqussutaa nalililiiffigineqartariaqarmat, Naalackersuisut isumaqataasorujussuupput.

Siunissami iluarsiinissaq, taamaalillunilu pisortanit taarsigassarsiat, soorlu 20/20/60-imik taarsigassarsiatut, najugaqartussaataitanermik atuutsitsiviunngitsutut amerlassuseqalerlutik appartillugit najugaqartussaataitanerup atorunnaarnissaa eqqarsaatigineqarsinnaavoq.

Taamatut isummersuuteqarlunga Inatsisartuni ilaasortaq Anders Olsen oqaluuserisassamik pingaarutilimmik matumangga saqqummiussinerani qutsavigaara. Qulequtaq pillugu oqallinnerup isummersuutillu assigiinngitsut tusarnaarnissaannut qilanaarpunga.